

სსრ კავშირის ჩემპიონატი
უმაღლესი ლიგა
გამარჯვება დნეპროპეტროვსკში

გუშინ დნეპროპეტროვსკის `მეტეორის` სტადიონზე საკავშირო ჩემპიონატის მორიგ კალენდარულ მატჩში ერთმანეთს ხვდებოდნენ ადგილობრივი `დნეპრი` და თბილისის `დინამო`. 90 წუთის მანძილზე ტერიტორიული უპირატესობა სტუმრების მხარეზე იყო. შესვენებამდე თბილისელებს გოლის გატანის რამდენიმე კარგი შესაძლებლობა ჰქონდათ, მაგრამ მათგან მხოლოდ ერთი გამოიყენეს _ 39-ე წუთზე ანგარიში ჩელებაძემ გახსნა.

შესვენების შემდეგ კვლავ თბილისელები უტევენ. თამაშის 84-ე წუთზე კოსტავა-ყიფიანის კომბინაცია ამ უკანასკნელის გოლით დაგვირგვინდა.

გამარჯვა `დინამომ` - 2:0.

თბილისელები ასეთი შემადგენლობით თამაშობდნენ: გაბელია, კოსტავა, კანტელაძე, ხინჩაგაშვილი, მუჯირი, დარასელია, მ. მაჩაიძე, ქორიძე (ჩივაძე), გუცაევი (გ. მაჩაიძე), ყიფიანი, ჩელებაძე.

დუბლიორები _ 2:1 თბილისელთა სასარგებლოდ.

“ლელო” 7 ნოემბერი, 1977